


柳田文庫
文庫11
D 94
4

四



文庫 11
D 94
4

御西泉文庫

48-11763

010190548983



虞文靖公道園遺藁詩卷第五

律詩七言

下

書蕭母傳後

原序

新喻蕭母有貞節朝廷用魯參政子輦言旌表其門莆田陳旅博士為之傳文甚奇子輦早學於蕭氏陳集友也先丞相雍公與蕭正肅為同朝故其家來求題云

桓二蕭氏貞門表猶是前朝執政家恩詔傳言褒素履安輿垂淚對黃華賢孫能奉高年遠薄俗寧知古道賒魯氏交情陳氏筆臨文三歎一長嗟
鎮曰圓轉華妙情溢于文

黃節婦詩 原序

集昔忝館閣四方孝子貞婦之事來上朝廷者率求詩文以表章之隨事發明昔義既有所諷勸或所錄未甚備者猶推其類以著其姓搢紳樂善成風每盈卷軸不以辭爲費也今觀雷尙書之諸孫長仁書其女弟適黃氏貞節事皆閨門變故而始終一惠非其兄不足以知之非能文不足以發之集筆硯荒落長仁之子以此卷相示感而賦之

貞婦初年邁百艱每將忠厚對傷殘死生家世心無愧終始閨門義所安信有高風隨地化不營華表與昔看賢兄述惠皆真實爲報鄉人在史官

送阿里仁甫舟中作

送客江邊醉似泥漁邨畱宿已雞栖風平山影搖舟楫雨急灘聲入鼓鼙故老別來誰尙健新詩吟罷更重題卻因農事催歸去臥看浮雲逆上溪

棋曰三四寫景之工能使虛實兼到

題高彥敬竹石

疎篁幽草澗邊生羣玉參差若弟兄更待拂雲栖紫鳳何年臨海掣長鯨尙書蕭散今摩詰子墨淒涼舊客卿風雨夜來家四壁龍吟微應讀書聲

棋曰彥敬人品之高筆墨之雅俱于言外領會此繪

水繪聲手也

南浦遐觀圖

房山避暑何王宮。古木蕭森多畫風。平生江海毫素裏。日暮鄉關魂夢中。孤雲斷處更野水。五絃揮罷又飛鴻。高情千仞一倚杖。莫怪尚書雙眼空。

古木圖

晉人筆法成中絕。奇崛縱橫見米家。手畫斷崖分鐵石。意求古木帶雲霞。龍髯解出空中雨。鴻爪能畱雪裏沙。近日尚書高彥敬。高懷九足共清華。

趙伯高所藏高彥敬吳山夜景圖

吳越蒼茫咫尺閒。尚書能畫夜看山。塵銷海市露初下。

雪積江山潮始還。座上賦詩誰絕唱。夢中化鶴忽臨關。

高情已逐年華去。秋樹寒波愧妙顏。

百馬圖

楊柳生烟草色薰。川原錦繡動成羣。百午海宇無征戰。一幅圖書有見聞。日夕吹笳歸別部。天寒漚乳奉將軍。當昔校獵誰能賦。白髮揚雄思若雲。

周昉畫

島上雲生日轉檐。海風吹雨暮寒尖。春明玉色遺薌澤。夜定珠光入鏡奩。織得鴛鴦隨綠縵。教成鸚鵡啄紅酣。試令鼓瑟應無語。日斷歸舟思未淹。

天師菴壁閒墨竹

憶昔臥起修竹地當林日二看風生白雲昔來眾仙降
皓霞如瀉孤鶴鳴吹笛江深星斗動釣竿樹老浪波平
何嘗賓我北極下獨倚高壁聽秋聲

從子旦欽賞賜金至山中次陳溪山韻

橐金萬里來天上舊賜新頒拜受餘去國棲遲慚補報
榮家歡喜度空虛孤臣清淚三生夢一寸春陰數冊書
更買青山可終隱不妨投老得安居

謝子棕雨笠

歸弄江波自濯纓白頭徒步一身輕蕭二白雨荒陂晚
恰二黃鸝夏木清杜甫豈於詩更瘦遠公許以酒相迎
野僧三四同來往此日先生戴笠行

題毛秀發薛玄卿戴笠圖卷後

偶然戴笠過前山天賜高人一日閒薄有神情畱卷裏
漸無名姓在人閒毛公吟罷厖眉古薛保圖成鶴羽還
無限好懷今總得松雲千疊爲誰關

止家人製衣

故人遺我布單衣寒暑相仍服不違地僻少塵擱澣易
身閒遲破補紉稀樵漁總識循常好魚鳥相忘作念非
請看江頭木居士雲來雲去本何依

荒唐

齊人野語楚荒唐野死幽囚祇漫傷往二闕文誰復及
悠二沒世詎能忘百年有道開新盛千古遺言發耿光

不有鳳麟同日至誰知信順見文章

虛齋

誰識空中有至真一庭芳草自生春風雲變化閒來往
日月升恆互主賓寶劍有神凝鑒水金丹無質現窗塵
忘言本是吾齋事莫向空同問道人

鎮曰一庭芳艸句妙極自然

真正軒

乾坤定位易行中星共辰居象亦同終日有言寧離此
先天無事若爲工音聲倡和黃鐘始水火浮沈土釜空
世法定無相比竝閒循斗柄玩東風

石巖詩爲道童總管作

維石巖二氣象超俯憐培塿獨岌巖八風不動盤空軸
一柱高擎切斗杓江岸暮雲留遠樹湖陰積翠上春潮
便應從此爲霖雨直向中天絳節朝

鎮曰江岸一聯畫不能到

竹所詩爲馬照磨作

蕭二修竹倚闌干幕府高秋獨坐看龍化欲隨清佩響
鸞停長共碧梧寒幾年冰雪培根節一日雲霄見羽翰
聞道武公方壽愷永歌淇澳報平安

送揭子尚之京師

縣北之亭山水幽玉堂故人懷昔遊錦囊五色起雲霧
華袞一字驚林邱賢才洛下共青鎖久客襄陽成白頭

羊公沈碑聞近出文章垂世何悠二

送李伯儀

老來多病山中住誰復能吟過客詩賈誼豈無前席夜
終軍曾有棄繻昔沈香亭北花園錦太液池頭柳舞絲
初到長安還有賦東湖閒看綠淪漪

送吳志淳

古道棲遲與世違高才誰可共襟期揮毫妙得中郎法
倚席長吟老杜詩澹二春風湖水詠蕭二夜雨竹枝辭
明朝何處還能賦驄馬金溝結柳絲

送劉仲禮遊浙

于今南斗聚文星博士空慙老復丁杜甫文章驚四海

中郎字畫尙羣經才華酷似泉流峽書法親傳劍出硯
欲看海門潮始壯高風鴻鵠舉空青

送艾友文之靜江

桂林賓客舊多才鼉鼓逢二夜宴開鄉里共推文學貴
轅門爭識故人來幕中草檄狼烽息座上吟詩鴈字回
爲問伏波天桂遠文章何日刻蒼苔

送太原郭詵還豫章灌園精舍讀書

每思有道太原碑復憶南州孺子祠但得賢人千里聚
奚傷大樹一繩維生民憔悴依高節吾道銷沈繫遠思
誰向灌園棲隱地下帷觀象玩微辭

送劉元補淮南漕司書吏

道園遺稿卷五
江南大郡多凋瘵三月鶯花海上城使者自持清節重
書生遠去一舟輕圖書雲靜滄洲鴈翰墨風生碧海鯨
幕府從來賓客盛橫琴豈自寄高情

送李仲淵雲南廉使

海上瀛洲想玉珂繡衣今歷幾坡陀賢人會合何其少
名世文章不易多蘭楫競迎桃葉渡蘆笙遠奏竹枝歌
不令駟馬歸金馬奈爾相如好賦何

送僧歸俗

孰謂儒冠多誤身昔年聊作小乘僧春風花影疏二月
夜雪松濤澹二燈巾帶便應歸賈島鉢衣從此付盧能
男兒今古平生事未把丹心一寸冰

題河東李集賢倜詩後

集與昭德別二十有餘年相見清江之上出故
集賢河東李士宏學士重遊舊詩蓋李自守郡
至作詩豈已二十餘年今去李公賦詩豈又幾
三十年矣俯仰感歎追和附卷末

郡人長說使君行室有絃歌野有耕千丈沙隄春雨漲
滿船書畫晚峰晴重來城郭誰耆舊偏刻文章自姓名
我亦從遊今白髮每懷冠佩望蓬瀛

聽劉元彈琴

劉元相訪竹齋清夜爲予援琴作長清飛佩等
調宛然二十餘年前聞諸四明袁公伯長父子

及西巴鄧公善之之子慶長者不勝悽感道士
張伯雨亦善此相別亦二十年矣寥二此音在
天地閒何可斷絕賦詩寫懷書贈元云爾

寂二虛堂月上遲劉郎爲我鼓冰絲秋聲在樹誰能賦
夕露霑衣有所思荷簣過門良久矣乘桴浮海欲何之
呼童明發酬佳興三勺清泉饋石芝

陳立持所畫山水及酒饌來求詩法詩法無之
得與齋中朋友一餉之樂

拙疎生理歎衰翁食粥何妨甌屢空驚見殺雞供季路
喜看載酒問揚雄畫圖乞與千山雪詩法傳來滿袖風
令子讀書誰得似高閒甘旨不憂窮

與趙伯高論詩

莫道幽人有意吟緣情生變苦推尋奇雲映日書成字
靈響盤空譜作音春雁雖二天廣大秋蛩啣二雨陰沈
性情平澹隨時見禮樂何曾繫古今

觀王繼學參政贈臨川艾庸詩有感

世儒退相淮南使羨爾華裾早及門授館終年供白粲
探囊一日試黃昏漢廷議禮諸生起魯壁藏書幾簡存
最憶龜蒙雲氣重舞雩新服試春溫

題陳維新詩卷

才子清華孰與羣古詩秋興浩如雲海中夜月珊瑚樹
江上春晴錦繡文溧水釣魚辛少府武夷放棹杜徵君

歷觀卷裏襟期士鳴鳳朝陽與世聞

題劉伯溫行卷

原序

監憲伯溫劉公出示館閣諸君子送行詩文兩
大卷其一自中臺出佐浙省豈賦眾仲題其端
有以見朝廷選任之專職事之難者後一卷則
自著廷持節江右之賦也伯溫跋其左具言述
作之暇道西北形勢古今之跡經覽之壯有重
會講明之約一代文物之懿備見于斯何其盛
哉集感別欣遇又知監憲公深有得于大易智
崇禮卑之旨庸述鄙懷敬答盛意不勝倦

西極山河轍迹通載馳江海視民風帝王漸被知今遠

秦漢經營歎昔雄憂國早聞生白髮濟豈誰識信丹衷
斯文一縷通微顯隨地成能造化工

題黃智仲詩卷繼燮御史黎僉事詩後

彈鋏何妨鬢漸疎侯鯖偏食武昌魚故人江漢浮雲盡
歸鶴城樓落木初御史青春懷舊意郎官白首寄來書
解囊爲說經行處歷歷晴川畫不如

書莊武公遺事後

莊武勳名汗簡青贊書錫爵自明廷昔傳令德連三世
家有高年過百齡胄嗣蒞官原學問封邦獻禮纘儀型
周詢還奏澄清効袞職從容奉日星

白題爲危太朴作

大地微塵海一漚取之無用棄無由日高睡覺惟聞鳥
雨足歸來但牧牛冠帶衣裳明日月陶匏木石老春秋
何人寫此閒中意獨立晴空詠未休

故人

故人爲別十餘春夜夢相逢面目真世外音書遺鴈羽
壁閒圖畫潤龍鱗可憐白髮寒仍短待得黃花晚更新
誰有高才如屈宋九歌江上樂明神

孟莊

孟莊同世不同風縱使相逢亦不同豈以高明分彼此
總于衰晚共豪雄奇才別出羲皇上大業難忘舜禹功
無位無官千古逝誦言忠辯愧愚蒙

吳先生壽日

承明三召意勤渠歸老從容問燕居几杖雖塵無倦色
經綸不用有成書春深雨露多霑漑晝永風雲妙卷舒
華蓋浮邱漢儒行千年高竝翠芙蓉

寄壽楊友直

恩詔來頒擁節旄壽尊酬獻畫堂高郡人傳寫登高賦
野老驚看侍宴袍契闊舊交多老大澄清能事屬賢勞
鳳池緩步歸猶早鄉社耆英接譽髦

寄友直楊君

山林十載便幽趣城府連朝謝故人前席漫言宣室事
小車且看洛陽春舞停紈扇清樽側醉插花枝白髮新

人爲邨疇農務急不辭鈴閣度江津

寄陳眾仲

承詔摘文入禁林一揮四問夜堂深
五人存歿風流散十載浮沈老病侵
曳履相迂青鎖步下帷傾聽白頭吟
多才政有江西客衣錦歸豈好寄音

寄陳溪山

坦二幽貞夏日清高槐千尺自秋聲
華山雲外觀眞逸洛社春中憶舊英
雅論圖書酬太守靜容簪佩列諸生
丹成有道傳中表歲把芙蓉獻壽觥

寄楊臨川

五月新涼似鑑湖吏民爭候使君車
稻田雨足臨流水

墨沼雲生對客書疲瘵遠人訴獨得文章列郡竟誰如
寓耕封內宜修敬老病衡茅禮節疎

寄蒙古松巖

驛舍相逢已十霜每懷高節倚雲蒼
星辰劍佩趨黃道風月圖書侍玉皇
萬壑秋聲回浩蕩九霄春夢入微茫
垂絲到地苓如玉擬斲青冥頌久長

寄費無隱

清朝自寫玉宸文冠帶芙蓉著錦裙
碧落開圖垂五采素雲引練事三熏
羣眞定錄渾相識上帝臨觀密自聞
書畢綠陰方數畝長如窗戶宿春雲

寄趙中山

清鐘徹曉輓轡乾十載霜蟾獨自看護法老龍思淨梵
化人孤鶴報平安相逢歲晚頭俱雪想見春陽氣若蘭
欲辨芒鞋求覲面晴虛雙景共清寒

用聶御史韻贈忻都兼寄張伯雨

尋得山泉可枕流寒茅爲舍就中洲故人春月多新夢
遊子秋風足暮愁楊許有書畱玉洞松喬無跡到瓊樓
亦知李白因貪酒頭白無緣事遠遊

次韻陳溪山

積雪柴門晝不開行庭無跡興悠哉深根一息先天氣
平地橫陳幾劫灰潮候夜中隨月滿斗杓天際挽春來
溪翁定有扁舟興晴昊繁花开遠梅

茅檐向曉喜雲開積雪如雲安在哉春澤堅冰成解液
明窗旭日動飛灰山陰忽有移文至松下那容喝道來
小往大來原有數莫占消息向枯梅

次韻陳溪山紅梅

冰雪肌膚染絳雲歲寒林下對吟身先天氣至渾如醉
初日光融轉更新白髮無能酬造化金丹有道駐長春
少年莫笑詩成處傾倒相歡忘主賓

春曉紅生島嶼雲此中儘著兩閒身不愁花笑髮鬚白
漫詫人間句法新曲水徘徊天上日深杯斟酌自家春
繁英未落須頻到翠實金盤尙及賓

雪後孤根發暖雲栽培本白一人身紫薇遺意成千古

絳萼深期又一新忠厚敢忘嘉樹賦冲和思廣北枝春
若爲穉子猶堪教三祝三加望大賓原註來章末句有屬幼兒之意先生

次韻答楊臨川

歸興秋光晝寢高使君詩瘦怯宮袍東湖微雨生顏色
西日浮雲見羽毛橘柚園林誰共弈蒹葭洲渚或容舸
誰家此日樽無酒兩鶴翩二過九皋

舟次臨川用趙堦韻

文公經濟入襟期陸子高明白得師投老幸依賢者谷
興懷況在歲寒昔爲邦孰與從先進擇善誰將覺後知
十載郡樓遺訣話扁舟江上感君詩

山行次韻

從來年老喜逢春宇宙中間自在身鬢髮還如柱下史
胸懷仍似洛中人春雷起處耕雲外曉雨晴時釣水濱
況復歸與清晝永坐聽童子咏睢麟

次韻曹子貞

宦學三年不自歸從人飢食復寒衣蒼麟一出春秋畢
黃鶴重來城郭非靜對風雲觀變態閒因來往玩神機
乾坤自是無今古不用窗間惜寸暉

舟泊安和阮宅次黃志高韻

十月東歸下石瀧郡公促膝共輕艤蕭雲故宅多喬木
阮籍清樽對暮江方駕肯來良馬五尺書先寄鯉魚雙

欲求深隱何山曲雪竹霜筠共一窗

舟宿湖口

沙汀如雪水無聲舟倚蒹葭雁不驚霜氣隔篷纔數尺
斗杓插漢正三更拋書枕畔憐兒子看劍鐙前慨友生
尚有乘桴無限意催人搖櫓轉江城
長年人海混潮聲水宿荒涼卻夜驚月照空巢烏繞樹
風吹短草鴈知更要觀此地秋濤壯更待明年春水生
不比蜃樓多變幻絲雲初日擁層城

次韻劉桂隱

懷哉歲暮扣重關真我高堂俎豆間遠道無窮緣已老
凡情不斷若爲閒徐行歷_二皆平地滿目青_二是遠山

莫怪邱園待春雨扁舟先愧逐雲還

謝廬陵兩劉君

扁舟已作渡江雲回首高年憶兩君坐客頗如韋刺史
詩人猶拜杜參軍總看玉樹當春晝長對青藜過夜分
他日聚星如可畫慙慙垂白更論文

次韻孟天暉典簿佐奉使行江西所賦

帝念蒼生不鄙夷任賢清問載旌馳山川舊履車書會
草木新春雨露私十道悠_二分楚粵四門穆_二出宣慈
舉頭見日天光近老去無憂託啓期

山木閣一首送人之京

山木閣東初日生梅花照溪人欲行玉杯在手山影入

瓊精載道霜氣橫。故人天上今白髮。賤子山中常倦耕。
憑君問訊金闕下。羣賢朝迴春日晴。

送撫州推官于夢臣改除吳興別駕

撫州那得似湖州。千頃鷗波可放舟。別駕老便公館靜。
高門長憶故園幽。綠陰青子人家曉。古木疎篁水墨秋。
幾欲暫爲江湖客。百年耆舊記風流。

送陳繹思歸會稽讀書

右軍高致絕清真。況復東牀玉樹春。上馬詩成誰共語。
讀書燈永互爲賓。落花飛絮歸思流水遊龍接。暮塵
無限當昔觴。咏意尙疑身是會稽人。

送祕書也速答兒大監載書歸成都

連舸載書二萬卷。雪銷春水上成都。列仙歌舞成烟霧。
世將旌旗屬畫圖。定有鴻儒堪設醴。豈無佳客共投壺。
子雲白首歸無日。獨抱遺編汎五湖。

送晉從昇驛史調廣東

秋露垂珠枸杞叢。海天火齊荔枝紅。飛行萬里青驄馬。
指顧千夫赤羽鴻。虎帳夜傳文字密。蛟波曉貢語言通。
一門諸父吾親舊。待爾歸朝捷奏同。

送成彥舉奏差遷湖南

莫憶并州是故鄉。江城十載簡飛霜。賓鴻不及馳車遠。
語燕還迎舞袖長。下瀨未休連舸餉。觀風頻上奏書囊。
雲開南嶽多來往。應有高情聽九章。

送人還鄉用魯子翬僉院韻

東門有客上歸船舍弟過從歎昔年清讌翠帷明諫草
高談羽扇動江蓮湖南賓客今誰在湘外蘭蓀自可仙
珍重太常臨別語毋忘餐菊飲寒泉

寄監郡敬齋

華蓋天風八月高使君於此重遊遨停雲每約松閒鶴
載月同登海上鼇人愛桐鄉畱纒綵道傳柏府薦賢勞
柴車已是輪生角那得黃花共濁醪

仲秋二十一日雨後聞桂香柬竹齋諸友

曉來滿院桂枝香仍歲秋闈第一場明月當樓天廣大
疾雷破柱雨琳瑯鬼神幽遠驚雄辯草木欣榮被耿光

於易已占觀六四真儒不數漢文章

訪羅元惠隱居

春溪回曲抱郊墟新見幽人水竹居車馬不知行樂地
漁樵常近讀書廬一川風月閒來往終日雲雷妙卷舒
獨究塵編誰得似同遊爲記暮春初

憲副李顏鐵木兒行部過訪

六月馳驅使者車城南詢問野人居韋編猶記成均舊
玉笋親分尙醞餘師友道存風義重山林歲久禮文疎
但期荒隴霑霖雨課子躬耕理故書

與易小雅

雨過橫塘早擊鮮西鄰宴罷到東園醉吟明月花枝好

坐對涼風桂樹繁玉雪汎甌畱夕語銀絲分椀約晨餐
壽朋總憶城南老每採芝苓過遠邨

憲府集後書與紀長之

歲暮賓筵坐席深衰顏何足重爲欽有嚴佐史加邊豆
於粲升歌備瑟琴仁想虛煩求舊隱聞風實啓好賢心
誠孚德合生民慶往昔誰容只在今

與陳維新

新公家在觀橋濱茅屋蕭然不染塵通夕跣趺光炯二
經岿佛閣火勻二一杯秋水畱仙客半嶺春雲共野人
借問如何參絕學破除妄想不求嗔

答劉無作

南園隱者劉無作古木陰中戶不開惡客任攜袍緼去
化人又送館孟來吟詩窗下猿供筆振錫林閒虎臥苔
二十七人老尊宿夜深相對語如雷

答毛南楚惠書

華峰迎對浮邱伯故憶毛公共說詩良夜挂巾松上露
微風揮塵竹邊池近來有夢如春雪重到人間識鬢絲
此去相望三百里岿因歸鶴問幽期

答陳明復

城頭雲重雁飛過憶得江南夜雨多茶樹嶺前雷破石
稻秧田裏水盈科何岿短棹鱸蓴菜盡日長松薦女蘿
賴有仙翁知此意不同樵唱卽漁歌

保同監邑送桑本

樹桑親教縣庭隅分我深根四十株老客遂居連野綠
使君重到兩輪朱寒窗機杼依鄰曲春服兒童出舞雩
頗有薄田衣食計暮年歸夢在成都

錡曰結聯是用諸葛八百株桑語非漫然寫景也

陳幼德送竹本

竹似陳家好弟兄清陰秀色滿林生八龍天矯同瑤席
雙鳳參差和玉笙土潤已如含雨氣夜深便可聽秋聲
他年爲作青二簡待爾明光獻賦成

謝董子道參政

再世門牆五十霜扁舟風雨渡滄浪少陵生理憑黃閣

孺子高亭歎豫章文學舊遊成寂寞朝廷新刻更琳瑯
惟應垂白江湖外北望風雲古柏蒼

謝馬昂夫總管

歲晏相看雨雪深一尊春酒故人心曾陪鷓鴣鷺俱陳迹
晚托漁樵得共吟天上鳳毛還禁直人間鶴髮更登臨
書圖三友題名字漢隸還須老華陰

謝陳溪山慶生朝

自笑青年說學仙衰容那復更芳妍詩書塞坐忘謀食
風雨長齋過禁烟有樂從教兒輩覺無言可與世人傳
高情惟是希夷叟長住蒼松白鶴閒

謝劉伯溫

世外高情與道謀欲令斷木出寒溝終身不敢窺韓子
病目誰能念左邱生晚見聞慚禮樂業荒文學感春秋
未忘垂白從耕稼鳴鳥高梧詠不休

謝胡士則

舊學都忘耄日侵故人千里忽相尋坐依敗壁生蒼木
手撥殘編墮白蟬五色蓬萊前口夢一窗風雨百年心
羣賢列坐書連屋至樂無餘祇在今

謝魯元起監縣

雨足峇和縣事稀彈琴學道一儒衣塵編得意常終卷
匡坐思憂只掩扉壽母平安聊一喜古人高遠類多違
文章於世真何補每過城南晚詠歸

謝楊士宏爲錄居山詩橐

少日辭章浪得名歸歟樸學補餘生揚雄執戟能清淨
庾信凌雲愧老成遊目山川誰妙識興懷河洛獨高情
殘編久棄知無用爲錄幽泉絕澗聲

畫戟高門對碧岑公孫才思在登臨少陵不盡山林詠
季子偏知雅頌音貞觀詩人同制作太平樂府入沈吟
明年何處聽鳴鳳春晝梧桐滿院陰

酬吳彤暨諸友編文

知愧空言惜已衰煌煌三秀感靈芝山前雨過那堪記
水面風來祇自怡遠使徵書傳盛意良朋定錄副深期
塵編盡淨遺虛几何補斯文與世知

通鑑卷五
贈義上人赴京
瀟灑澄江對寺門講餘江上看朝暎白龍起聽經函祕
紫鳳來朝佛像尊召見天神扶履舄還歸帝釋賜幢幡
故人十載靈芝秀春雨山堂誰共論

贈張元朴

黃茅岡迴少人行目送飛鴻又晚晴塵尾每懷張伯雨
鷺羣今屬薛玄卿天風浩蕩高眠起夜雪空明老翮輕
黃石祠前好孫子莫教塵世苦知名

贈婁竹所

三歲京華憶母歸一邱岑蔚感春暉瀧岡墓表非無待
溧水哀吟恐自違疏食一簞嗟遠道送車千兩念征衣

中間名勝多知己屬筆何由到草扉

江上飛花已暮春朝中憶爾渡江人共看傳燭分新火
更與臨流祓舊塵使者獻書歸館閣尚書薦士到絲綸
斗牛儘有光芒在緩步行聞接鳳麟

贈道士

神寶誰開白洞微紫烟爲戶玉爲扉春容澹蕩胎仙舞
夜景虛明脈望飛繞指風雷龍睡醒滿囊雲錦虎駝歸
猶嫌長物煩聞見更上高臺一振衣

贈彭致中遊廬山

手持數節羅浮竹直到棲賢三峽橋錦繡烟雲隨鳳起
珠璣淙瀑作龍跳陶潛菊徑須頻往李公松巢亦易招

我與山人俱有約秋風更待海門潮

贈高文舉

志士猶思及物功尚施仁術簡書中江湖隨地宜秋色
桃李成蹊任化工執轡幾曾觀逸驥揮絃聊復送飛鴻
塵編舊業應無厭八月明河九萬風

贈道士鄒雲山

一片春雲萬仞山六鼇戴向海波閒金銀樓觀蒼龍戲
日月旌旗白鶴閒換骨有丹宜早服虛心如水平秋還
九重元與蓬萊近看爾仙衣選玉班

舟中書贈吳彤

輕烟冉二日瞳二好友相從一舸同白雪夜吟蘇武慢

清波晨動楚王雄天寒洲渚多嘉樹道遠江湖有暮鴻
不是新知相啓發歸歟恐負菊花叢

贈徐元度

原序

昔昔三公丞相掾有賓客之道焉參決論議皆
國事也接之有禮行之有道是以君子信之也
國初爲丞相掾持文書論事可否職事有不得
不然者其後三公官備掾屬甚清簡昔人尤貴
之然而禮貌輕重之間存乎其人矣毗陵徐君
元度方弱冠曾學於吳中鄭明德氏文藝穎出
識者有望焉集於豫章見之則從事師垣出掾
浙省而至於斯也蓋二十有四年矣雍容有文

進退以度識大體不汨於流俗慎言敏行名實
孚於上下鴻漸之羽翱翔於天亦維其豈也哉
至正乙酉正月上吉將爲外宰相報政於朝若
夫方物之獻貢賦之數有司之常事也在元度
優爲之矣明良在上顧惠遠人外將有問焉羣
賢方以文學治道佐明豈當有知元度而進之
者賦詩以送之

起家辟掾三公府挂笏西山度歲年故舊總懷天下士
風流更重幕中賢香烟滿袖遊絲夢春水如天上計船
三月看花鷓鷯裏題詩還向遠人傳

贈敬上人

二十遊方四十歸人民城郭總依二雲生谷口爲雷去
花滿林間作雨飛密室爛泥成寶器諸天劫石拂銖衣
扁舟穩泛番陽水更問雲門莫二機

遣興

千梳白髮度清齋有客柴門始一開書爲日昏空對簡
酒因囊澁久停杯北窗風雨長孤坐南海音書遂不來
隴上輟耕童穉輩強來問學慙衰顏

爲熊曼初賦靜觀

睡覺東窗鼻相微水流不競落花稀風旛底用生分別
塵鏡何情辨是非春去蝶隨遊子夢秋深螢入定僧衣
可能袖手高閒者看到行雲作雨歸

滕王閣

高閣城頭戶牖開江中照見碧崔嵬文章誰在三王後
雲氣長從五老來畫角數聲南斗落白鹽萬斛北風迴
洲前先有蛟龍窟唯待詩成急雨催

玉華山

何處清江擁玉華手題名榜寄仙家光凝石殿千年雪
影動銀河八月槎藏藥寶函騰玉氣說詩瑤席散天葩
奎章閣史無能賦得似新宮蔡少霞

天峰道院

眾峰羅列總名山更出岵巖紫翠間上直文星天一柱
中含道氣玉重環臨池水月清秋老繞閣烟霞白日閒

溪上墨香傳遠客令人思與鶴飛還

次韻寄題象外道院

至人還作采真遊海外何妨更九州雲氣低回依寶劍
月華臨照是瓊樓舊家孤竹清風在今代三茅碧澗流
凝望蕭臺環日月不知何處問丹邱

寄題三益亭錄呈仲義參謀

公府蒼松六百尋古梅修竹共亭陰歲寒先覺冰霜重
春永還知雨露深每得瓊瑰三益友同堅金石一生心
坐令方丈凝香地千里嘉名起自今

題梅仙峰與彭致中

羣仙山上共神宮漢尉藏丹別有峰日下旂幡來碧落

雨餘鐘磬出深松蓬萊秋近雲常接芝草春生手自封
山木閣前閒拄杖解尋樵逕遠相從

題新喻吳氏浩然堂

古木澄波月色新高亭攜手兩幽人畫圖樽俎猶清夜
屋壁金絲幾暮春白髮諸孫隨草逕寒泉一掬薦溪蘋
神交何必曾親到莫望高車一幅巾

湘西憲郎官武子宣監試秋闈

試官往二得鴻儒可以觀瀾在此都憲府優遊從事後
貢闈閒暇校文餘虹光西起遊湖舫雲氣東隨問俗車
古者八元宜在世復明還見謁宸居

魯國趙公世延哀詩

西北聲名世節旄簪紳特起擅耄髦百年憂患神明相
世務殫煩志慮勞春雨歸舟江水定秋天一作遺劍雪風
山高東瞻松柏分茅重盛德終聞有顯褒
早歲江東接令儀中朝晚得近論思永懷王母傳經訓
直保孤忠結主知經濟尙多遺策在勤勞空復大名垂
每翻翰墨神交遠惆悵西州鼓角悲

故贈奉議大夫太常儀禮院判官廬陵范公哀

輓

名家積行子傳經晝接風雲對大廷一日文章驚海內
九重恩錫賁郊垞奉常天上新題字處士江南舊列星
何事瀧岡遲有待翰林翠琰倚香亭

題楊友直步鶴圖

羣仙玉殿早朝迴，獨向空山步紫苔。
雪色羽毛千仞下，天門風露九重開。
碧梧空老人閒實，瑤草元非世上材。
眞侶相求寥廓去，徐行更待鳳凰來。

鎮曰詩意別有寄託

春雲亭

石上春雲向晚生，隨風映日在檐楹。
莓苔翡翠千年潤，芝草琅玕五色明。
鶴爲迎仙香冉冉，鹿能畱客露盈盈。
深紅重碧長千斛，細詠清歌奏太平。

寄題鄱陽李氏適軒

豫章出地已千尋，仙李盤根接翠陰。
曲水橋分雲錦麗，

老人星見華堂深，衣垂五綵看春舞。
劍化雙龍聽夜吟，借問高軒何所適，一門眉壽里人欽。

虞文靖公道園遺橐詩卷第五

問高碑何似一門風壽里人燈
 人星貝華堂翠水垂玉珠
 春綠影外不覺清
 雁不

虞文靖公道園遺藁詩卷第六

絕句五言

漁樵耕牧四詠

漁子正垂綸烟江曉色新扶筇過渡口
 昔見武陵人
 我本青城樵偶然嬰世網谷口夕陽多
 高歌成獨往
 淋漓春雨足綠野逐躬耕尚有泥塗者
 山深獨自行
 寒林有歸牧隱約牽黃犢一笛晚風清
 吹送滄浪曲
 棋日詩中有畫擬以右丞便覺去人不遠

題子昂五馬圖

虎革裹干戈華陽春草多天閑五龍子
 隨意浴晴波
 趙大年小景

野老江頭住重二落木坡驚鴻隨雪起獵騎晚相過
江上稻梁熟滿川鴻鴈來飛鳴各自適落日在高臺

題黃西麓扇

石上松千尺橋西水一灣杖藜從此去隨意看青山

題柯敬仲雜畫

玉立一長身風前倚翠鬢茂林頭白盡賴有李夫人
舞影彎二月歌聲翦二雲恐隨風力去畱取翠綃裙
江波傳雨意山石長雲根琴瑟分清潤庭階列子孫
冰解滹沱動雲分碣石開漁竿秋裊二還見渭翁來
不見丹邱久驚看翰墨香永懷書閣舊春日繡簾長

子昂桃花馬

一匹桃花馬飛來不動塵銀鞍教鞴好賜與虢夫人

棋曰與唐人虢國夫人承主恩平明騎馬入宮門諷

刺又別

題馬學士詩後

雨露春無際風沙盡日寒多憂能賦客空老采詩官

京師秋夜

風竹撼秋聲天寒夢不成如何今夜月偏照客窗明

題雜畫

白芍藥

金鼎和芳杜灤京已麥秋當堦千本玉看不到揚州

山茶

萬本老空山花開綠葉閒
渥丹深雪裏不作少年顏
荷花

澤國三千女西風擁翠寒
誰能卻高蓋正面與君看
著色竹

高節琅玕直長梢翡翠低
東風數根筍早晚與人齊
著色蘭

采秀此山閒風來翠被寒
三清降瑞露盛以紫瑛盤
墨蘭二首

霜風委蔓刺獨秀騷人國
世多色白媚吾立尙吾德
玉蘊不自獻清高伴幽人
芳榮此昔來中有無邊春

西子遊湖

步屨微風動停撓落日低
夜深歌白苧咫尺越前溪

蕭史鳳臺

明月在高臺雙吹紫鳳來
天高風露冷銀燭畫屏開
襄王夢

夢尋巫峽雨雲入楚王宮
何以永今夕倏然隨曉風
梅梢月

幽禽

斜月在闌干疎花共歲寒
同來攜白鶴不似玉堂看
老石爲誰媚幽花兩清麗
春深不見人聊爲五禽戲

荷葉雪姑

雪羽兩飛鳴輕不自驚
荷盤滿載露更立不成傾

梨花靛甕

翦水作梨花東風日未斜不馮青羽使那望五雲車

荔支山鼠

紅塵八千里始得薦金盤汝黠獨無畏輕紅啄曉酸

竝鵲

雙鵲報朝晴花梢墜露清永懷書閣舊春日繡簾明

天鷲

校獵上林苑回身太液池白雲去不返雪影下荒陂

鴈

戢羽橫烟暮遺香折葦秋衡陽千頃水汾曲一荒邱

鷺

夜雪軍聲急春池筆陣高波清翻茜掌沙淨臥霜毫

鴨

亂唳疑將鬥能言故不烹秋江寒竝影春水綠同生

烟浦釣舟

依約米家船疎林泊暮烟新詩吟未了槎上釣江編

荷鋪圖

天地一醉鄉今古有誰醒拚死劉伯伶令人發深省

題何玉泉錢塘詩卷後

原注玉泉精堪輿術

青山到海盡盛氣欲天浮宋寔春陵叟蒼梧雲正愁
地寶不敢愛人工毀天完開闢大呼噏生氣方盤桓

楊友直湖亭

東湖亭子上太守醉豈歌爲問花千樹如何洛下多

〔六言體詩〕

題江山烟雨圖

千邨春水方生萬里歸帆如羽不知誰在層樓臥看江山烟雨

柯博士竹樹古石

江潭木葉盡落巫峽竹枝更長翦取微風疎雨橫吹殘月清霜

石帶苔而蒼翠竹垂雨以珠璣藉玉五紋之組析旌六羽之翬

趙承旨蘭石僧日觀蒲萄

天人漱滌芳潤野老沈吟屈蟠南國烟生玉暖西涼酒熟霜寒

趙承旨畫松

灑霏烟之餘馨見蒼龍之一體森紫髯之如戟激清風而直指

題聶空山扇

客來山雨鳴澗客去山翁醉眠花外春雲藹二竹邊秋葉娟二

虞文靖公道園遺藁卷六

虞文靖公道園遺稿詩卷第七

絕句七言

次韻竹枝歌答袁伯長 原序

伯長歌竹枝以促歸棹且言僕故鄉與竹枝古
調相近約同賦以發它日千里命駕之意因用
其韻

江水江花無盡期安得同舟及此昔燕山春鴈更北去
南人休唱鷓鴣詞

竹枝歌奉陪諸公送舊而歸暮聞短歌江上其
竹枝之遺響乎因成四章

江上婆娑作大招行人見者為魂銷使君若愛桐江住

莫道上江無暮潮

銅雀臺中朝暮思
褰帷作伎望君遲
江頭只是須臾別
何處多情更有詩

憶奉君歡伎未成
不承恩澤儘畱情
凝思卻恐傷明德
不敢人前哭失聲

使君魂魄已飄風
那復恩情更及儂
自是人心多冷暖
不辭江水濺衣紅

題秋日蜀棠

野棠青子來青鳥
霜日清妍欲近人
忽見嫣然紅數萼
故鄉情思不勝春

摘芙蓉

明月丹霞是鏡湖
綠茵隱約錦模糊
西風滿地吳王醉
臥看樓前教戰圖

見叔父南山翁二首

先君萬死抱遺書
付在諸孤手澤餘
老眼欲枯那忍讀
春霜秋雨一菴居

奉承家祭若持危
敢謂冲和在此枝
館授淒涼勿惆悵
百年門戶豈吾私

眉菴自賦二首

家近眉山六十里
晴空長見掃修眉
老去思鄉歸未得
故題菴子寫新詩

幾見雙眉采石亭
如今頭白眼猶青
昔人一去不復返

聊寫山川作畫屏

橫塘寺留題

扁舟風雨暮投僧
蓑笠敲門七尺藤
知我自來無所往
一龕留共佛前燈

洞庭湖

楚澤吳山千里遠
丹崖碧樹九秋高
何由身似雲間鶴
橫絕江湖一羽毛

晚過金山

雲連山樹二連郵
數筆元暉水墨痕
吟苦不知身入畫
更添白鳥破烟昏

趙承旨躑躅畫眉

山鳥春深不自由
曉聲併作杜鵑愁
東風絳筆都題遍
不到離鸞桂影秋

宣和馬圖

凝神殿裏晏朝回
閒繫青驄照紫苔
一日長安春事老
可能無意看花來

王朋梅東涼亭圖延祐中奉勅所作本也

灤水東流紫霧開
千門萬戶起崔嵬
坡陁草色如波浪
長是鑾輿六月來

方壺臨董元山水

雨餘千澗共潺湲
老樹橫橋任往還
盡日春雲生不斷
道人共對董元山

息齋竹二首

西清閣老薊邱翁愛寫疎篁弄晚風
玉殿不扃秋夜冷好看棲鳳月明中
書帷書捲下西清奇石幽篁步晚晴
誰憶他年風雨外渭川蒼玉釣竿輕

寄張伯雨

湖中春水白鷺羣長齋默朝三素君
楊許寫經屋滿雪人間長史冠如雲

寄薛玄卿

碧落曾看沈侍郎旋簪冠玉謁虛皇
風流外史渾相似澹月疎星上建章

寄訢咲隱

無限江東日暮雲天宮說法夢中聞
散花得見文殊相雪蘂玻璃手自分

寄恩斷江

娑羅雙樹曉森二曾對袈裟坐綠陰
十載雲門那得見若耶溪水向春深

寄王本齋

揚州何處好吹簫海闊天空碧樹遙
故遣湘江孤鳳去長吟休負月明宵

寄翰克莊僉憲

爲懷同館西河客不寄駝囊枸杞紅
豈想往來江海上

虛憑歸鴈問秋風

答韓克莊惠白氈

白氈裁成鶴氅衣大茅山下向秋歸故人淮海應東望
雪影翩入翠微

別變玄圃

郭西山路有寒梅想見登臨首重回夜聽雨聲知水長
滿船明月幾峯開

恭華道院納涼

陳郎大扇大於箕欲使清風四海知應是蓮花峰側畔
捫天仙掌舊攜持
手持道書入山館長林無人月落半松花拂衣清露深

長嘯他峰起巢鶴

松風滿天山月高躡雲一似駕海濤不知身是浮邱伯
細哦四言吹鳳匏

虹玉通天閱夜章不畱榻上付仙郎一肯誰解騎雲者
乞與龍瓢灑下方

書蘇公帖後

蘇木空聞蜀賈舟韞材還復望袁州畫叉猶是黃岡竹
細和陶詩飽卽休原註坡翁謫黃州昔月用四千五百錢日用不過百五十而猶有餘以待賓客蓋歲計六十千耳今謫惠州計歲用須二百千蓋三倍矣日食萬錢者何人哉士君子不以窮乏累其心而區畫亦盡人事皆中禮之所為也夫子在陳蔡以子路之賢不能無愠見然處約之道君子小人之分兒焉微子路無以發聖言矣觀蘇公此帖思當肯之為此厲階者為之二歎

書先參政與黃浮山賦紫薇再花遺墨後
春服初成念子孫紫薇堂上列芳樽當此高興無人會
兄弟通家迹尚存

書晚宋諸名公題墮淚碑詩後

峴首亭高故國詩臥龍無復更驅馳諸公盡向江南老
遺恨長題墮淚碑

鎮曰此卽公詩不須更上新亭望大不如前洒淚肯
意也

題宋淵聖宸翰

倉皇內禪計全疎貞榦其如積蠱餘不敢身先君父死
慈寧猶上問安書

跋劉光遠湘川行槁後

白露橫江木葉秋故人相國況同舟賡歌自是當昔體
不許湘漁話暮愁

書子昂延祐閒墨跡後

奏伎宮中感遇深一岿千載託微吟主家歌舞今誰在
爲曼春衣淚不禁

細柳飛花拂曉風步隨輕輦過橋東道傍石馬迷芳艸
百轉流鶯入夢中

曾學知章乞鑑湖恩深無分得蓴鱸扁舟一棹頭如雪
芳草連天路欲無

吳興公所書出師表

心許驅馳奉計難書成揮涕試師干臥龍菴裏閒風月
頭白王孫異代看

訪旣之不遇書壁

城南不逢李太白壁閒獨見蔡元真方池古石淨如玉
野鶴隔窗長似人

丁卯禮部考校次韻

先朝親擢總真儒列坐春官席不虛白首子雲天祿閣
校文寧媿食無魚
禁城鐘鼓已隆二把卷猶看燭影同願得真材充國用
庶聞質行化澆風
憶昔鑿坡接錦袍深堂披卷効微勞二年重得同清夜

宮燭風簾見月高

袍鵠鏘二赴曉闌分廬陳藝別東西憑教紅杏休開徹
早晚開關蹋雪泥

固陵寒雀圖

當年宸翰寫蓬蒿飛躍無踰四仞高阿閣鳳凰都不見
丹青能使聖躬勞

聞子規

京國春眠日未低故園花落子規啼常年五月居庸道
愁共行人蹋雪泥

自述

每懷衡岳讀殘書猶記青城舊隱居萬一天恩憐賀監

江湖何處結茅廬

東家四肯詞

臨流洗硯見長身白苧寬衣短葛巾
紉扇自題新得句水亭分送倚欄人

摩挲舊賜碾龍團紫磨無聲玉井寒
鸚鵡不知誰是客學人言語近朱欄

澄波千頃擁高鬟手折芙蓉月下還
解憶高堂風露冷衲衣先送碧雲山

賀雪宮門上表歸貂裘猶帶六花飛
海南新送收香鳥轉覺清寒入翠帷

絕句

城南尺五野人居六月清涼八月如一色
琅玕三百箇猶堪裁作殺青書

寄金蓬頂道人

喧索隨方接有生豈將欣厭係高情
一瓢玉井清冷水霜月晴虛候履聲

自註道人聞步聲知某客至

劉正甫周孟瑄遊華蓋回見訪

緜嶺吹笙月色新玄都幾度碧桃春
翩如雪雲林鶴雙引黃茅訪野人

贈毛拱辰

袖有題緘二十年攜看存歿重淒然
神仙果得長生者合是身逢列宿躔

贈蔣子中

東州春水漾晴波
誰序新分進士科
好種梧桐千樹碧
湖邊人識鳳凰過

送夏大之教授還鄉

禹憂洪水稷憂飢
千古悠悠兩鬢絲
誰與山鄰同白日
行雲流水赴幽期

應物紛二興自高
不知官府是何曹
歸歟耆舊遺聞遠
莫憚登門弟子勞

題黃晉卿上京道中紀行詩後

少陵入蜀路崎嶇
故有淒涼五字詩
供奉翰林隨翠輦
固應同調不同辭

題開元宮來鶴亭

羣真終夜降華陽
曾聽仙音近玉牀
語罷是誰畱別鶴
待君寥廓共翱翔

亭前春雨長蒼苔
海上長鳴一日來
從此琴心三疊裏
月明長見影徘徊

題明復菴

玉杵擣霜月當戶
竹窗映雪書滿牀
客來竟坐不交語
自撥丹火燒山香

皎二霜鶴立齋廚蕭
二風竹鳴庭除
窗中有客自高坐
堂上真人方讀書

清皋舊隱

春雨初收水滿田
二桑柘綠生烟
隱居聞在東皋下
長見沙頭喚渡船

題贈葉梅野 原序

近代楊補之作梅自負清瘦有持入德壽宮者
內中頗不便于逸興謂曰邨梅補之因自題曰
奉勅邨梅集嘗見故家有藏徐熙墨杏花者用
筆圓潤有篆籀法亦恨楊不能知此也今監書
博士丹邱生忽用此法寫生大快人意存渾厚
之意於清真去衰陋之氣於纖弱所以為佳也
譬如少陵繁花晴昊之雄壯視昏月淺水為如
何邪樂平鍊師葉凱翁舊號野梅予曰以野標

梅未足盡梅之趣以梅名野庶乎廣莫之風請
更曰梅野而以丹邱之畫冠之永作證據使錢
唐臨江二君聞予此論猶當俯首歎服也虞集
書

昔結絲絢侍帝宸青鞋今許向江津
憑君先對梅花說
白髮相看意更親
自註初凱翁先欲南還欲僕作詩送
行而僕今先有行色故為題此為他
日一笑之資也

雜題

湘江風捲白蘋波
北渚雲深帝子過
欲採瓊芳渡江去
青衫輕翠晚雲多
江上青山生白雲
鷓鴣啼處有湘君
行人來截昭華琯

日暮青林玉氣分

西村山水

一段雲山一段秋蹇驢尋壑更經邱他年投老終南去
應向松間覓舊遊

西湖畫景

五雲樓觀日華東每蹋紅塵氣若虹誰道小橋流水外
數竿烟竹弄秋風

蒲萄葵花

蒲萄翠帳絡明珠前列千葵旌節如應有南柯殘夢在
一池鼓吹夜涼初

池塘秋晚

華蓋仙人漢殿臣厭朝朔望往來頻上方畱舄秋江畔
只有雙鳧臥白蘋

天藻亭舍下生竹枝

堂上不合生楓樹舍下何緣穿竹枝人間風日不到處
長養鳳毛當及峕

青山白雲圖

獨向山中訪隱君行窮千澗水云二仙家更在空青外
只許人間禮白雲

僧巨然山水

晚烟橫樹轉溪灣何處漁舟罷釣還門外東風吹雪盡
幽人同看巨然山

畫竹

不見高人王右丞岐陽石刻尙清真鳳毛染得春池雨
數尺新梢已過人

題戈叔義墨竹

江頭雨裏寫娟二更作新梢入晚烟還有數竿題未徧
龍吟清夜渭溪邊

畱題龍門寺

頻採菖蒲石礪濱住山不厭亦無曠先生尙有貧生意
吏憶松花問道人
枯木寒巖絕色聲吟詩亦足未忘情不須更問臨川叟
作得胡笳幾拍成

寄謝臨川王正則錄事

少陵不待草堂貲風雪空檐話舊思別去幾嘗春夜暖
五峰燈火馬爭馳

酬吳子高

諷爾宮詞十二篇小窗風雨正蕭然悠二春夢無歸著
黃竹遺墟雪滿天

題魏雄卿齋壁

畫雨瀧二銀燭懸秋聲滿屋陸成川赤髭大士譚經藏
白首尙書草太玄

題畫

黃葉飄零澤國秋烟波無盡使人愁騷人欲賦湘妃怨

折得幽花寄遠遊

南浦圖

魏公幕府多豪俊文雅相從一舸中山雨浦雲都寫遍
湖東更有灌園翁

柯博士畫

拔地參天獨老蒼幾年雨露更風霜新篁搖動多生色
更待空庭月影長
千年老蛟化爲石蒼蘚枯槎角三尺亭一玉立好兒孫
長倚天風動秋碧

秋江圖

欲採蘋花隔遠汀舟橫不渡倚空青何由得似雙鷓鴣

長覽秋光共畫屏

紅蓼雙鳧

五湖烟雨一扁舟汎二聊忘去國憂最愛數枝紅蓼畔
一雙文羽伴人愁

畢公濟掀篷梅

摘葉拈花夢不分誰能健步覓晴雲不須更待掀篷看
全體東風舉似君

題王公所藏歐陽文忠公遺墨

盤谷尚存初刻字淮西無復斷碑痕琅琊幽谷花如錦
恐有遺書臥竹根

雙禽圖

天上碧桃春萬二 人間翠竹晚娟二 雙飛不是青衣使
何處東風一信傳

臨王摩詰畫竹

岐山鳳去已千年 遺跡疎林翠羽鮮 一段風流何處似
終南秋色晚晴天

千枝萬葉翠交加 影落殘碑月映沙 侶是前身摩詰在
紫薇花下角巾斜

楊補之蘭

九畹參差紫玉叢 清江健筆總春風 大夫宗國多憂思
手把瓊瑰送斷鴻

商德符畫

曉信劍履上楓宸 霜葉青紅日色新 誰見江上烟霧起
行吟澤畔老靈均

子昂古木

洞庭木落楚天长 澤畔行吟最斷腸 可是曲終人不見
丹楓離立照滄浪

子昂墨菊

落木疎籬事二 幽流傳墨本 使人愁 故宮風雨歸來晚
真見吳興一段秋

畫梅四首

繁花千樹倚晴空 不比疎枝冷雪中 只為玉堂天最近
儘將才思付東風

老身如鐵心如水長與空山積雪期待得紅塵吹紫陌
羣仙歸去已多峒

綽約肌膚迥出塵摩挲銅狄是何人已看天上千年雪
不作人間一日春

門戶重二玉數枝娟二靜好稱家兒舊昔東閣多能賦
說與揚州何遜知

畫馬

魯史曾聞兩驕驪開圖獨見一龍驤驕嘶飛逐落花去
沙草青二塞柳黃

次韻王繼學題太乙

山木深二晝掩扉岿從高處望雲飛幾番春雨還秋草

送盡孤鴻獨自歸

共騎黃鵠過蕭亭明月華星列畫屏記得當昔祠太乙
安歌疏節玉充庭

送柴高士南遊

遍入名山採紫芝只餐秋露已忘飢東南際海羣峰盡
欲向羅浮更覓誰

贈傅若礪

水五空青不易求蘭苕翡翠擅清秋才情豈是人閒少
不到高唐夢未休

贈盧生錄詩

盧生來寫老夫詩老去深慙與世違華蓋白雲二兩句

等閒莫與俗人知

題范德機墨跡後

凡骨蛻餘清似雪高情起處一絲輕玉堂只在人間世
回首蕭閒愧後生

種橘

庭前嘉樹種來遲霜實經年未壓枝寄語巴園好相待
商山更有一盤棋

彭致中送松花

幽人歲二送松花指與吾人老已加欲學彭翁年八百
鼎盛金粉養黃芽

喜雨寄郡中諸官

仙馭東行應望霓吏民迎拜若雲齊到城慰滿二農意
喜雨亭成太守題

題表姪陳可立雜畫

山崖巖二澗嘈二四圍芳草亂青袍中間有箇支離木
曲折無知壽最高
蕭二翠羽動晴虛知是南山長鳳雛莫道玉階風露冷
要看千尺拂雲衢

清江二上倚扁舟寫得琅玕一尺秋歷徧風霜如鐵石
世人偏識老湖州

螭房如山禦潮汐鐵網珊瑚浪中出何處龍孫好頭角
亦玩明珠美風日

南枝楚二復娟二此處枯槎更可憐石角莫令牛礪角
樵翁醉後枕渠眠

高柳金絲積雨晴桃花灼二隔溪明尋源若是忘機者
灘鴻鷓鴣總不驚

百頃汀涵落日明稻田閒水與堤平白頭想見荒陂去
無數鳴蜩管送迎

江潭木落鴈初飛已有秋聲動碧虛侶是洞庭張樂地
微風鷺翮立疏二

雪滿高林水滿疇冥鴻亦爲稻梁謀此岑最憶江南岸
一色蘆花著釣舟

玉色臨池靜不言翛然翠袖共黃昏玉堂清冷無人到

且對江南烟雨邨

葛子熙欲往吳越售長安諸碑以危太樸書來
求詩書尾餘空尙多紙佳極宜於書不忍剗絕
之因題此詩贈子熙兼寄眾仲提學亦欲故人
知吾得太樸也

子熙養母極艱辛馳走東西又幾春我欲相畱田舍近
白雲不足療清貧

漢唐妙刻出長安誰贈茅容具曉餐應有醉翁方集古
千金不惜買琅玕

浙都提學三年別我向山中每夢之定是盡拋書卷卻
綠楊紅杏樂清岑

流水窈窕窗中畫
檣杵蕭條袖裏書
太白山深空積雪
蓬萊海闊自晴虛
自註子熙三歲而孤
鞠于舅氏長而為養甚至獨恨貧耳
然苦節亦難能也
虞集書

寄朱環溪

賢郎肯為諸生出
不厭闌干苜蓿盤
為有平安花燭報
齋居日二共清寒

高堂修祀灌園翁
白髮清樽見古風
曾得遺文窺隱德
猶今視昔後人同

悼亡

買臣不縮會稽章
井臼終身愧孟光
縱有他年千石酒
寧如當日一杯漿

地中代我奉慈幃
一去無由再見之
欲覓音容須夢裏
鰥夫無睡已多時

十載思君久別離
歸來忽作死生期
孤燈夜雨深二坐
正侶燕山恨別時

比侶燕山恨別時
鬢邊添得雪絲二
祇今心事真如水
淚洒空房又賦詩

次陳溪山韻

山深松竹俱成長
溪迴蒲荷各自花
隨分樂天無一事
擬求齊物註南華

枝有蒼筤實有梧
何年鳴鳥下晴虛
惟應長共希夷叟
日見朝陽浴海初

清渭終南路窈冥漁磯樵徑草還青山中雨足黃梅落
獨爲相求出戶庭

荷蓀圖

道上相遭荷蓀翁殺雞畱宿甚從容如何不及乘桴意
明日重來更不逢

李陵別蘇武

老羝已乳鴈書傳去住初分哭向天明日節髦歸漢地
將軍應是獨潸然

羲之觀鵞

剡溪春雨曉生波道士扁舟肯見過換取黃庭歸別館
人間長憶鳳文羅

孟浩然

風雪高堂破帽温七人圖裏一人存昔昔耆舊那堪論
獨釣槎頭最斷魂

和靖行吟

擁鼻微吟午夜清心空與月共圓明無端卻作梅花想
著影緣香夢不成

陶穀煮雪

煮雪風流祇自娛高情何足語名姝果知簡靜爲真樂
列屋閒居亦不須

醉翁亭圖

醉翁四十漫稱翁賓客相隨樂意同前引朱衣垂白髮

花開山谷幾春風

原泉圖

九天飛瀑下巖幽去作江河萬古流倚杖不知春雨過
青山如洗暮雲收

贈王自得

江上秋風日夜深丹楓烏柏總堪吟可能阿閣承朝日
玉笛參差學鳳音

送余道士

憶昔遊京最少年等閒詩句被人傳君今侶我當昔面
玉雪春風上客船

諸老愛賢飢渴如才華誠美豈容虛何當徑上蓬萊閣

徧讀人間未見書

應有多情問故人爲言溪上二船頻春來雨過清如鏡
照見蕭蕭白髮新

延祐三年過金鴈欲訪諾公以王事不果今二
十年矣

昔禮巖頭諾詎羅寶香猶在石磐陀上人幾歲離金鴈
海月江雲弄碧波

寄謙上人

不見謙公二十年石橋依舊駕晴川定應和盡寒山集
儻許聲聞世上傳

寄曇華笑隱

優鉢曇華一度開梵天帝釋自拈來人間讚歎那能盡
慙媿文殊大辯才

寄光雪窗

杪櫺軒中少塵事恩公昔共兩青藜主人畢竟還相憶
風雨扁舟覓舊題

宿天寧寺

丈室千函貝葉書疎篁幽鳥在庭除道人久不到城府
愛此渾如澗谷居

聞白雲上人自吳中來訪表姪陳可復畫其像
因題

編緝寶藏書垂簾三載歸來白髮添萬斛春泉盤石坐

龍宮又擬借華嚴

題馮九淵墨龍

曾乘雲氣九天行振鬣揚鬚海岳驚變化已隨雷電遠
作成霖雨慰蒼生

題了堂上人所藏雲屋圖

鎮日秋風草屋欹海潮聲上接天池白雲捲盡青山在
破衲蒙頭總不知

題袁誠夫所藏山水

十百相連底處山雨雲峕復到人間山中草木自寒暑
長與幽人相對閒

海外誰云更九州駕言從此汎扁舟垂綸未必悠二者

帶雨看潮散暮愁

墨梅

霜月清江一棹過誰將疏影照寒波浮雲日暮長安遠
莫羨宮妝掃翠蛾

孩兒桃

書樓春晝雨繽紛一樹桃花思不羣彈指樓開當日面
莫教童子是靈雲

洪崖橋

澄江如練碧悠悠一色蘆花覆遠洲無盡春天歸鴈急
月明寒影不曾留

橫橋攜手踰谿流無盡清流意自幽天外浮雲飛鳥散

陰猶有釣魚舟

五絃琴詩爲劉子雨賦

海上微風動五絃九嶷蒼翠雨餘天仲尼昔日聞韶地
肉味都忘思惘然

錦瑟無端五十絃五音繁會亂春筵不知簡易高人意
目送歸鴻碧海天

次書巢雜韻

北巷高齋滿硯冰柴門惟許小童鷹幽人自得延年術
不信昌陽是豨苓

坐上清樽日不虛長歌誰歎食無魚主人何物爲生計
五尺危巢萬卷書

一盆金粟長靈芽不待春風自放花收拾黛煤和玉屑
昔昔眉嫵是君家
客來相對飲無何客去杯羹手白和未許旁人空笑老
誰知小屋得春多

題畫

銀嶺爲裘著來早八月逐兔陰山道衰草蕭蕭風露寒
將軍鬚鬢一岿老

畫松

天池昨夜風雷起千尺渴蛟餐石髓神君叱之不敢飛
影落吳淞半江水

漁樂圖

江上青一列數峰千重樓觀楚王宮爲雲爲雨無朝暮
臥看當年屬釣翁

捕魚圖

數罟臨溪晚不收蘧廬三尺抱寒愁金鱗影落江湖表
烟雨何年買釣舟

百牛圖

妙手精思畫百牛田家芻牧總堪求一牛耕罷無人飯
野水桃林盡日流

畫虎

目鏡耽二鎮坐隅高堂白晝走睢盱良工不寫凡毛骨
驚世文章斂若無

息齋墨竹

江上秋風已滿林，玉階夜色自蕭森。
并刀剪得瀟湘雨，獨上蒼梧學鳳吟。
秀出千林思不羣，獨含春雨對江雲。
平津若有歸來劍，定化雙龍起夜分。

蘭

水生澧浦碧粼粼，沙際修叢浩蕩春。
莫怪山林蔬筍氣，清芳端合屬幽人。

雨竹

木落湘潭江水秋，雨痕都付竹竿留。
黃陵廟裏猿啼夜，何處能銷宋玉愁。

邨夜上元作

滿城簫鼓暮相催，田父邨南醉不回。
野廟殘燈燒未盡，霏_二山雨逐人來。

送艾幼清歸臨川

幼清手錄唐文藝，吟誦寒鐙過夜分。
秋菊春蘭隨物轉，獨臨野水拾殘雲。

昱上人盆竹

粉筠一寸筍如針，亦有蒼然冰雪心。
還憶道人分種日，瘦筍八尺度千岑。
我憶蠶叢萬竹叢，吳中還見小玲瓏。
居然風露千林曉，猶稱行吟白髮翁。

題夢良梅

原序

夢良墨妙近做清江峇出晴昊之繁稍以充潤其清苦此卷乃又澹泊相遭之極者也把玩久之夢良自稱錦屏山人蓋與予皆蜀人也歲月相望雖久寧無故鄉之思故爲賦之

汀烟冉二竹重二老樹疎花吹曉風壯遊燕薊今頭白

憶蹋江船若夢中

茅檐曝日歸來晚野水荒雲誰是伴一枝已見故人心
三尺未愁橫幅短

述懷

青鞋蹋遍莓苔迹萬里橋南風瑟二一雙白鷺也多情

隔岸飛來如送客

畫橋南畔行人立蘆葦蕭二船去急雲連北闕與天深

月二秋二落西山和露白

玉顏惆悵江波隔夜二流塵空掩瑟可憐蓬鬢已驚風
老去葵心猶向日

菱花半夜無消息腸斷城頭秋月白故園能隔幾長亭
羌笛一聲歸未得

虞文靖公道園遺藁詩卷第七

虞文靖公道園遺稿詩卷第八

樂府

燭影搖紅

淮南故將軍家有歌姬才色自許善度曲歐陽
守淮陽姬爲將軍願一見公竟不及見而卒客
有爲公賦此曲者

雪映虛檐夢魂正繞陽臺近朝來誰爲護熏籠雲臥衣
裳冷應念蘭心蕙性對芳年才華自信洞房春暖換羽
移宮珠圓璧瑩板壓紅牙手痕猶在餘香泯當肯惟
待醉翁來教聽鶯啼引可惜閒情未領但雕梁塵銷霧
暝幾迴清夜月轉西廂梧桐疎影

蝶戀花

故遼主得其臣所獻黃菊賦題其後云昨日得
卿黃菊賦細翦金英題作句袖中猶覺有餘香
冷落西風吹不去二月下瀨與楊廷鎮陳眾仲
觀杏城東坐客有爲余誦此者因括櫟其腔令
佐酒者歌之

昨日得卿黃菊賦細翦金英題作多情句冷落西風吹
不去袖中猶有餘香度 滄海塵生秋日暮玉砌雕欄
木葉鳴疎雨江總白頭心更苦素琴猶寫幽蘭譜

賀新郎

五月中以小疾家居陳眾仲助教言乳燕飛華

屋調最宜昔連度數曲病其辭妙則聲劣律穩
者語偏適有友人期家人到官所而弗至賦此
丹荔明如火想江城薰風乍透繡簾青鎖寶篆香銷初
睡起葉底流鶯又過筭幾度思歸未果欲翦冰綃憑誰
寄恐腰圍漸減愁無那臨岸曲命輕舸 涼宵冉二銀
蟾墮望清輝千里照人霧低雲驪準儼雕梁栖飛燕早
晚新巢定妥歎會少離多侶我畱滯文園頭先白念琴
心久爲芳塵鎖將舊恨賦江左

風入松爲莆田壽

頻年清夜肯相過春碧捲紅螺畫檐幾度徘徊明月梁
園迥無復鳴珂門外雪深三尺窗中翠淺雙蛾 舊家

丹荔錦交柯新玉紫峰駝長安日近天涯遠行雲夢不到江波欲度新詞爲壽先生待教誰歌

鳴鶴餘音

全真馮尊師本燕趙書生遊汴遇異人得仙學所賦歌曲高潔雄暢最傳者蘇武慢廿篇前十篇道遺世之樂後十篇論修仙之事會稽費無隱獨善歌之聞者有凌雲之思無復流連光景者矣予山居每登高望遠則與無隱歌而和之無隱曰公當爲我更作十篇居兩年得兩篇半殊未快意也昭陽協洽之年嘉平月長兒之官羅浮予與客清江趙伯友臨川黃觀我陳可立

游東叔吳文明平陽季平幼子翁歸汎舟送之水涸轉鄱陽湖上豫章遇風雪十五六日不能達三百里清夜秉燭危坐高唱二三十夕閒得七篇半每一篇成無隱卽歌之馮尊師天外有聞能乘風爲我一來聽邪春明舟中又得二篇併無俗念一首後三年仙遊山彭致中取而刻之與瓢笠高明共一笑之樂也道園道人虞集翁

伯生記

蘇武慢

自笑微生凡情不斷輕棄舊磯垂釣走馬長安聽鶯上苑空負洛陽年少玉殿傳宣金鑾陪宴屢草九重丹詔

是何年夢斷槐根依舊一蓑江岸 天賜我萬疊雲屏
五湖烟浪無限野猿沙鳥平明紫閣日晏玄洲啼髮太
霞林杪蒼龍騰海白鶴衝霄顛倒一肯俱了望清都獨
步高秋風露洞天初曉

掃盡風雲掉開塵土落得半邱藏拙青松爲蓋白石爲
牀一切物情休歇幾度蓬萊布袍長劍閒對海波澄澈
是誰家酒熟仙瓢邀我共看明月 歸去也玉宇寥
銀河耿 鐵笛一聲山裂三花高擁九炁彌羅縹緲秦
清瑤闕手把芙蓉凌空飛步今夜幾人朝謁便翻身北
斗爲杓徧散紫甌香雪

山月來昔海風不動平地玉樓瓊宇桂子飄香露華如

水白按洞簫如縷香 冥 冷 青鳥解傳芳語

太空中鸞鶴相求盡是舊昔眞侶 君聽取列豹重關

鼓雷千吏上界更多官府石女簪花木人勸酒爲我此

閒聊住高唱微吟揮毫萬丈塵世等閒今古看江山

色空青何意斷雲殘雨

浩月清霜釣舟如葉閒渡小溪澄碧銀漢無聲玉虹橫

野斗柄正垂天北半幅烏紗數根華髮一編野鳧飛鳥

問回仙城南老樹能見幾何今昔 西華頂十丈蓮花

九天秋露結就翠房瑤實脫屣何難凌空非遠三咽雪

融冰液辟穀神方餐霞眞訣一去更無消息笑人間長

住虛舟誰似一輪紅日

放櫂滄浪落霞殘照聊倚岸迴山轉乘鴈雙鳧斷蘆漂
葦身在畫圖秋晚雨送灘聲風搖燭影深夜尚披吟卷
筭離情何必天涯咫尺路遙人遠空自笑洛下書生
襄陽耆舊夢底幾曾見老矣浮邱賦詩明月千仞碧
天長劍雪霽瓊樓春生瑤席容我故山高宴待雞鳴日
出羅浮飛度海波清淺

對酒當歌無愁可解是个羽人標格好風過耳皓月盈
懷清淨水聲山色世上千年山中七日隨處慣曾爲客
盡虛空北斗南辰此事有誰消得曾聽得碧眼胡僧
布袍滄海直下釣絲千尺掣取鯨魚風雷變化不是等
閒奇特寒暑相推乾坤不用歷劫不爲陳迹可憐生忘

卻高年長伴小兒嬉劇

憶昔坡仙夜遊赤壁孤鶴掠舟西過英雄消盡身世茫
然月小水寒星大何以漁翁不知今古醉傍蓼花燃火
夢相逢羽服翩翩未必此豈非我誰解道歲晚江空
風帆目力橫槩賦詩江左清露衣裳晚風洲渚多少短
歌長些玉宇高寒故人何處眇予懷無那歎乘桴浮
海飄然從者未知誰可

十載燕山十年江上慣見半生風雪對雪無舟泛舟無
雪不遇竝昔高潔斷港殘沙今茲何夕一似剡溪歸棹
但掀篷數尺梅花人跡鳥飛俱絕君不見五老危巔
浮邱絕頂笑我早生華髮返老還童易麤爲妙定有九

還丹訣霽景浮空天光眩海一碧更無分別便堪稱六一仙公千古太虛明月

歸去來兮昨非今是惆悵獨悲奚語迷途未遠晨景熹微乃命導夫先路風颺舟輕候門童穉此日載瞻衡宇酒盈樽三徑雖荒松菊宛然如故聊寄傲與世相違舊交俱息更復駕言焉取琴書情話尋壑經邱倦鳥岫雲容與農人告我有事西疇孤櫂賦詩春雨但樂夫天命何疑乘化任渠畱去

六十歸來今過七十感謝聖恩嘉惠早眠晏起渴飲飢餐自己了無星事數卷殘書半枚破硯聊表秀才而已道先生快寫能吟直是去之遠矣沒尋思挂个青藜

靱雙芒屨走去渡頭觀水逝者滔二來之滾二不覺日斜風細有一漁翁驀然相喚你在看他甚底便扶攜穿起鮮魚博得一樽同醉

一徑通幽畫屏橫翠行到白雲深處世外蟠桃井邊丹橘別有種萱瑤圃檀板輕敲素琴閒弄奉獻鳳膏麟脯舞翩二鶴髮飄二仍侶舊昔仙母君看取華屋神仙滿堂金玉此是蟪蛄朝暮五色蓬萊九秋鷗鷺別有出身之路酒熟麻姑雲生巫峽稽首洞天歸去任海波清淺無肯何處綠窗雲戶

雲淡風輕傍花隨柳將謂少年行樂高閣林閒小車城裏千古太平西洛瞻彼泱二言思君子流水儼然如昨

但清游天際輕陰未便暮愁離索 長記得童冠相隨
浴沂歸去吟詠鳶飛魚躍逝者如斯吾衰甚矣調理白
存斟酌清廟朱絲舊玉金石隱几侶聞更作農人告我
有事西疇窈窕挂書牛角

鎮曰諷詠數過飄二有凌雲氣也然此是虞老本色

無俗念

十年窗下見古今成敗幾多豪傑誰會誰能誰不濟故
紙數行明滅亂葉西風遊絲春夢轉二無休歇爲他憔悴
不知有甚干涉 寥二無住閒身盡虛三界一片中
宵月雲去雲來無定相月亦本無圓缺非色四非空非心
非佛教我如何說不妨跬步蟾蜍飛上銀闕

虞文靖公道園詩遺藁卷第八

